

Abbas-e-Ali Aaye Karib-e-Shah-e-Abrraaaar
Abbas-e-Ali Aaye Karib-e-Shah-e-Abrraaaar

Bhai ko Alam deke kiya sheh ne bahot pyar
Hans hans ke rafiko se ye karne lage guftaar
Jaisi ye meri fowj hai waisaa hi Alamdar
Ghaazi sa koyi deen ka sardar na hoga,
Abbas sa dunya mein alamdar na hoga

(Sakhi Abbas hamara hain alamdar hamara), (Abbas hamara hain alamdar hamara)

Hashim ka qamarrrr
Hashim ka qamar, haider-e-Karrar ka pyara

(Sakhi Abbas hamara hain alamdar hamara), (Abbas hamara hain alamdar hamara)

Haider ke gharane ki sakhawat sakhi abbas
Khoone abu talib ki sadaqat sakhi abbas
Zehra ki duwaon ki taharat sakhi abbas
Kudrat ne banaya nahi phir, aisa dubaraa.

(Sakhi Abbas hamara hay alamdar hamara), (Abbas hamara hay alamdar hamara)

Qur'an-e-wafa sher-e-nayafshaan-e-ali hai
Zehra ki tamanna hai dil-o-jaan-e-ali hai
Is ke liye bachpan hi se farmaan-e-ali hai
Mai ilma ka darya hoon ye darya ka kanara

(Sakhi Abbas hamara hay alamdar hamara), (Abbas hamara hay alamdar hamara)

Paida huwe abbas to godi mein utha kar
Zainab ne rakha naam kalejay se lagaa kar
Chotaa sa alam sheh ne diya inko sajaa kar
Dekha jo alamnay to alam khud ye pukara

(Sakhi Abbas hamara hay alamdar hamara), (Abbas hamara hay alamdar hamara)

Ye panjetan-e-pak ke lashker ka nishan hai
Kehte hai ye Shabbir meraa shere jawaan hai
Aisa koyi duniya mein alamdar kahan hai
Sehwan se hai sheh baaz kalandar ka ye naaraa

(Sakhi Abbas hamara hay alamdar hamara), (Abbas hamara hay alamdar hamara)

Abbas-e-Ali ruh-e-wafaa jaan-e-wafa hai
Abbas-e-Ali fatema Zehra ki duwaa hai
Har waqt alam choomti rehti ye hawaa hai
Bhoolaa nahi abbas ko darya ka kanaraa

(Sakhi Abbas hamara hay alamdar hamara), (Abbas hamara hay alamdar hamara)

Duniya-e Shahadat me kahan uskaa hai saani
Jo saare shahidon ki safo me raha ghaazi
Bay dasta bhi ho kar jo bhare jholiyaan sab ki
Hashim ka kamar sare fakiron ka sahara

(Sakhi Abbas hamara hay alamdar hamara), (Abbas hamara hay alamdar hamara)

Haider ke gharane ki sakhawat sakhi abbas
Khoonay abu talib ki sadaqat sakhi abbas
Zehra ki duwaon ki taharat sakhi abbas
Kudrat ne banaya nahi phir aisaa dubaraa

(Sakhi Abbas hamara hay alamdar hamara), (Abbas hamara hay alamdar hamara)

Lazim hai ke ham dekhenge ik roz ye manzar
Farmayenge jab mehdiy-o- dora dar-e-mimbar
Qabe se namudaar jo hongaa meraa lashkar
Honga yahi lashkar ka alamdar hamaraa

(Sakhi Abbas hamara hay alamdar hamara), (Abbas hamara hay alamdar hamara)

Yaad ata hai woh rukhsat-e-abbas ka manzar
Woh rona sakina ka fareray ko pakadkar
Woh dekhna Zainab ka kabhi sar kabhi chapar
Kehti thi palat aa ye behen bhayi ka pyara

(Sakhi Abbas hamara hay alamdar hamara), (Abbas hamara hay alamdar hamara)

Abbas gaye ho gaya maula mere tanha
Dekha kabhi maydaan to kabhi janib-e-darya
Nagaah alam nehar pay girte huwe dekha
Zainab se kaha sher gaya, nehr pe maraaaa

(Sakhi Abbas hamara hay alamdar hamara), (Abbas hamara hay alamdar hamara)

Ay "Sarwar-o-Rehan" ye imaan hai apna
Abbas ke parcham ka sada sarpe hai saya
Parne ke liye hashra mein Shabbir ka nawha
Abbas bulaayenge hame, karke isharaaaa

(Sakhi Abbas hamara hay alamdar hamara), (Abbas hamara hay alamdar hamara)

Hashim ka qamarrrr
Hashim ka qamar, haider-e-Karrar pyara

(Sakhi Abbas hamara hay alamdar hamara), (Abbas hamara hay alamdar hamara)